

Siunnersuummut nassuiaatit

Nassuiaatit nalinginnaasut

1. Aallaqqaasiut

2021-mut Aningaasanut inatsimmi kontomi pingaarnermi "30.12.08 Utoqqalinerimi pensionisiat"-mi oqaasertaliussami nr. 3-mi inatsisitigut aalajangikkamik pisinnaatitaaffik tunuliaqutaralugu Utoqqalinersiaqarneq pillugu Inatsisartut inatsisaannut allannguutissatut siunnersuuteqartoqarpoq. Qinnuteqartoqarneratigut inunnut nungullarsimasunut, minnerpaamik ukiuni 35-ni timikkut tarnikkulluunniit oqimaatumik suliaqarsimasunut utoqqalinersiaqarnissamut ukiorititat 65-iussasut kommunalbestyrelsip aalajangersinnaagaa allannguutip kingunerissavaa.

Utoqqalinersiaqarneq pillugu Inatsisartut inatsisaannik allannguutininik aamma Siusinaartumik pensionisiat pillugit Inatsisartut inatsisaannik allannguutininik siunnersuut imaqarpoq, taakku marluullutik periutsinik nutaanik peqalersimammata, tassa Inatsisartut Aningaasanut inatsisaanni nassuiaatitaqartitaalersimammata.

2. Siunnersuummi immikkoortut pingaarnertit

2.1 Utoqqalinersiaqalernissamut ukioritineqartut 65-it inunnut minnerpaamik ukiuni 35-ni sulerulunnerup kingunerisaanik timikkut tarnikkullu nungullarsimasunut

§ 1, imm. 1-mi Utoqqalinersiaqalernissamut ukiorititaasut 65-it Inatsisartut inatsisaanni aalajangerneqarsimavoq. § 1, imm. 2-mi aalajangerneqarsimavoq utoqqalinersiaqalernissamut ukiorititaasut 66-iussasut januaarip aallaqqaat 2017-miik. Taamaakkaluartoq kommunalbestyrelsi qinnuteqartoqarneratigut aalajangiisinnaapput utoqqalinersiaqalernissamut ukiorititaasut 66-it aatsaat januaarip aallaqqaataat 2021 aallarnertigalugu, inunnut ukiuni 35-ni sulerulunnerup kingunerisaanik timikkut tarnikkulluunniit nungullarsimaneq kingunerisimappagu. § 1, imm. 3-mi aalajangerneqarsimavoq utoqqalinersiaqalernissamut ukiorititaasut januaarip aallaqqaataaniit 2021-mi atuutilersumik ukiut 67-nut qaffanneqassasoq. Taamaakkaluartoq kommunalbestyrelsi qinnuteqartoqarneratigut aalajangiisinnaavoq, ukiorititaasut 67-nut aatsaat qaffanneqassasut januaarip aallaqqaataaniit 2025-mi, qinnuteqartoq ukiut 35-it sulerulunnerup kingunerisaanik timikkut tarnikkulluunniit nungullarsimappat.

Inatsisartut inatsisaanni utoqqalinersiaqarnermut tunngasumi ullumikkut utoqqalinersiaqalernissamut ukiorititaasut 67-iupput, kisianni 2025 tikillugu inuk qinnuteqartoq ukiuni 35-ni sulerulussimappat, timikkut tarnikkulluunniit tamanna nungullassutigalugu, utoqqalinersiaqalernissaanut akuerineqarsinnaavoq 66-nik ukioqarluni.

Aningaasaqarnermut inatsit 2021-moortumi akuersinikkut oqaasertaliunneqarsimavoq (akuersinikkut ilanngussaq nr. 3 konto qulequtaq 30.12.08, Oqartussaniit utoqqalinersianiit utoqqalinersianut) taaneqartut Inatsisartut inatsisaaniittut utoqqalinersiaqalersinnaanermut tunngasut avaqqussinnaasunngorlugit. Oqaasertaliussap aalajangerpaa, kommunalbestyrelsi qinnuteqartoqarneratigut utoqqalinersiaqalertoqarnissaanik akuersisinnaasut, qinnuteqartoq ukiut 35-it sulerulussimappat, timikkut tarnikkulluunniit tamanna nungullassutigisimallugu, qinnuteqartorlu 65-nik ukioqarpat.

Aningaasanut inatsisit ukiumi tassani aningaasartorfiusumiinnaq atuuffeqarput, taannalu pineqartoq, inuit 65-nik ukiullit nungullarsimasut utoqqalinersianik tunineqarsinnaalernissaannut tunngasoq taamaallaat atuuppoq ukioq 2021-mut.

Politikkikkut kissaatigineqarpoq innuttaasut sivisuumik timikkut tarnikkulluunniit nungullaatigisaminnik sulerulussimasut isumagineqarnissaat.

Siunnersuuteqarnikkut inatsisitigut atuutsinneqalissaaq, taanna oqaasertaliussaq malillugu inatsisitigut pissuserineqartoq, tassani inuit 65-leereersimasut, nungullarsimasullu minnerpaamillu ukiuni 35-ni sulerulussimasut, qinnuteqarnerisigut utoqqalinersiaqartinneqartalernissaat.

2.2 Ukiumoortumik utoqqalinersiutisianik siusinaartumillu utoqqalinersiutisianik naleqqussaaneq, qaffasissutsimut naleqqussaanerup procentii malillugit.

Inatsisartut inatsisaat nr. 9 junip aallaqqaataani 2017-meersoq, qaffasissutsimut naleqqussaanerup procentii pillugit aammalu isertitat atuuttut najoqqutaralugit atuutsinneqalerneratigut siunertaasimavoq, inunnik isumaginnittutigoorlugi aningaasat pisartakkat, uani utoqqalinersiat aamma siusinaarluni utoqqalinersiat ilanngullugit, siunissami 1. januar 2019 aallarnerfigalugu naleqqussarneqartassasut qaffasissutsimut naleqqussaanerup procentii malillugit.

”Inatsisartut inatsisaannut siunnersuut landsting-mi inatsisit aammalu Inatsisartut inatsisaannut assigiinngitsunut allannguuteqarnissamut tunngasut, akileraarutinut akitsuutinut taavalu oqartussaniit aningaasat isertitat, Inatsisartut inatsisaat qaffasissutsimut naleqqussaaneermut procentip aammalu massakkut isertitat malillugit” suliarineqarsimavoq upernaakkut ataatsimiinnissamut 2018-imi saqqummiunneqartussanngorlugi. Qinersisoqartussanngorneralu peqqutaalluni upernaakkut ataatsimeersuarnissaq taamaatiinnarneqarsimavoq taamaasillunilu siunnersuutissaq atorunnaarluni.

Utoqqalinersiat siusinaarlunilu utoqqalinersiat januaarip aallaqqaataat 2019 aallarnerfigalugu ukiumoortumik naleqqussarneqartalersimapput qaffasissutsimut naleqqussaaneermut procenti

tunngavigalugu. Tamannalu pisimavoq aningaasartuutissanut inatsisikkut ilanngussassaliortarnikkut 2019-imiit 2021-mut.

Ullumikkut qaffasissuseq atuuttoq siusinaarluni utoqqalinersiat qaffasinnerpaat, aningaasartuutissanut inatsimmi aalajangersorneqarpoq 2021-mut, oqaasertaliussaq nr. 2 Konto qulequtaq 30.12.09 Siusinaarluni utoqqalinersiani.

Aningaasartuutissanut inatsisit ukiumi tassani atuutilerfimminni taamaallaat atuuttarput, taamaammallu qaffasissutsit inissinneqarsimasut utoqqalinersianut, siusinaarlunilu utoqqalinersianut tunngasut taamaallaat ukiumut 2021-mut atuuttuupput.

Inatsisissatut siunnersuutip § 1, nr. 2-p inatsisitigut atuutilissaaq ukiumoortumik utoqqalinersianik naleqqussaaneq, qaffasissutsimut naleqqussaanerup procentii atorlugit.

Inatsisissamut siunnersuutip § 2, nr. 3-p siunnersuutigineqarneratigut ukiumoortumik siusinaartumik utoqqalinersiat naleqqussaaneq, qaffasissutsimut naleqqussaaneq atuutilissaaq.

Januaarip aallaqqataaniik 2022 qaffasissutsit eqqaaneqareersut nammineerlutik naleqqussarneqartarnerat ingerlallissapput ukiumut ataasiarlutik, qaffasissutsimut naleqqussaanerup procentii atorlugit.

3. Pisortanut aningaasaqarnikkut allaffissornikkullu kingunissai

Aningaasaqarnikkut aningaasartuutissat 2021-mut aningaasanut inatsimmi ilaatillugit akuersissutigineqarput siunnersuullu manna aningaasatigut immikkut aningaasartuutitaqassanngilaq.

4. Inuussutissarsiortunut aningaasarsiornikkullu allaffissornikkullu kingunissai

Inuussutissarsiutilinnut aningaasaqarnikkut allaffissornikkullu siunnersuut kinguneqassanngilaq.

5. Avatangiisinut, pinngortitamut inuillu peqqissusaannut kingunissai

Avatangiisinut, pinngortitamut inuillu peqqissusiannut siunnersuut kinguneqassanngilaq.

6. Innuttaasunut kingunisai

Innuttaasut ukiuni 35-ni timikkut tarnikkullu oqimaatsumik suliaqarsimanertik pissutigalugu 65-inik ukioqarlutik utoqqalinersiaqalersinnaapput.

7. Siunnersuutip kingunerisinnaasai pingarnerit allat

Siunnersuut pisinnaatitaaffimmik inatsisitigut aalajangersarneqartumik atugassanngortitsineruvoq, uani 2021-mut Aningaasanut inatsisip akuerineqarneratigut sivitsorneqartoq.

8. Tusarniaaneq

Siunnersuut piffissami 19. januaari 2021-mit 26. januaari 2021-mut tusarniaanermut nittartakkami tamanut uani www.naalackersuisut.gl saqqummiunneqarnikuuvoq.

Siunnersuut piffissami tamatumani ukununnga tusarniaassutigineqarpoq. Ilanngussaq 2-mut innerssuussutiginnittoqarpoq.

Siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

Imm. 1-imut

Aalajangersakkakut utoqqalinersiaqalernissamut ukiorititat 67-iunissaat aalajangerneqarpoq.

Imm. 2-mut

Aalajangersagaq malillugu qinnuteqartoqarneratigut inunnut sivikinnerpaamik ukiuni 35-ini timikkut tarnikkulluunniit oqimaatsumik suliaqarnermikkut nungullarsimasunut utoqqalinersiaqarnissamut ukiorititat 65-iussasut kommunalbestyrelsip aalajangersinnaavaa.

Inunnut, piffissami qinnuteqarfimmi 65-inik ukiulinnut sulilu 67-inik ukioqalersimangitsunut aalajangersagaq atuuppoq.

Qinnuteqartup suliffigisimasaata suuneranik naliliiffigineqarnera malillugu, piffissani sivilunerusuni sulinngiffeqarani sivikinnerpaamik ukiuni 35-ni sulisimanissaa, qinnuteqartullu tamatuma kingunerisaanik timikkut tarnikkullu nungullarsimanissaa piunasaqaataavoq. Qinnuteqartup suliffeqarfeqarfimmut sulii atassuteqarnissaa aammattaaq piunasaqaataavoq.

Qinnuteqartup piffissaq suliffigisimasaa pillugu naatsorsuineq qinnuteqartup ataavartumik suliffeqarfeqarfimmut iserneraniit piffissami qinnuteqarnerata tungaanut piffissamut tamarmut naatsorsorneqassaaq. Piffissat sulinngiffiusimasut, meerartaarnermut atatillugu sulinngiffeqarnermik, pikkorissarnermik ilinniarsimanerullu nanginnerinik, nioqqutissiassanik amigaateqarneq sikoqarneranilu pissutigalugit piffissat suliffeqannginnermik namminerlu pisuussutiginngisat pissutigalugit suliffeqannginnermik pissuteqarsimasut naatsorsuinermit ilanngunneqassapput. Piffissap suliffiusup naatsorsorneranut piffissat suliffeqarfiusimangitsut aamma qinnuteqartup suliffissarsiorfigisimanngisaatut naatsorsuutigineqartut ilanngunneqassanngillat.

Timip atorsinnaanerata nungullarneranik kinguneqartumik assigiissaartumik, timimut artukkiisumik sulinikkut sulerulunnikkulluunniit, timillu nungullarnerata kingunerisaanik timikkut piginnaasakillineq inuup sulisinnaassutsimigut annertuumik killeqalerneranik kinguneqartoq, timikkut nungullarsimanertut paasineqassaaq.

Nungullarneq tassaavoq ulluinnarni sulinermit oqimaatsunut timip qisuariarnera. Tassaasinnaavoq nukitsigut anniarneq, pukutsukkut anniarneq imaluunniit seeqqukkut anniarneq. Piffissami siviluumi timi annertuumik oqimaatsulerisinnaavoq, killeqarporli. Kipisuitsumik siviluumik artorsarnerup allanngorartitsinnginnerullu kingunerisaanik ajoqusertoqartarpoq timiluunniit sanngiillisinneqartarluni. Pingaarnerli tassaavoq inuussutissarsiorluni sulinermit atatillugu timip nungullarsimanera.

Tarnikkut oqimaatsumik sulineq pissutigalugu tarnikkut peqqissutsip nungullarsimanera tarnikkut nungullarsimanertut paasineqartarpoq. Matumani piffissami sivisuumi annertuunik suliaqarsimaneq piffissatigullu tatisimaneqarsimaneq, misigissutsikkut annertuumik piunasaqaateqarneq, persuttagaaneq siorasaarneqarnerit kiisalu pimmatiginninnerit, suliasat annertussusaat avatangiisillu ima oqimaatsigisimasut allaat inuk taakkunanga sunnertissimanera tamatumalu kingunerisaanik tarnikkut nungullarsimanera pineqarsinnaapput. Tarnikkut nungullarneq tarnikkut piginnaasakillinermik kinguneqassaaq.

Imm. 3-mut

Nungullarsimanikkut utoqqalinersiaqalernissamut ukiorititat 65-iunissaannik periarfissamut malittarisassanik erseqqinnerusunik Naalakkersuisut aalajangersaanissaannik aalajangersagaq piginnaatitsivoq.

Aaqqissuussinerup aqunneqarnissaanut piunasaqaatinik aalajangersaanermut, qinnuteqaatinut piunasaqaatit erseqqissaavigeqqissaarneqarnerinut kiisalu qinnuteqartup timikkut tarnikkullu artorsartinneqarsimanerata suussusaannut, timikkut tarnikkulluunniit nungullarsimaneranik nungullarsimanerullu annertussusaanik pissutaanillu suliamut tunngatillugu nalilersorneqarnissaminut nalaassimasassaannut piunasaqaatinik erseqqissaanissamut, kiisalu piffissap suliffiusimasup naatsorsornissaanut uppersarnissaanullu, piginnaatitsissut ilaatigut atorineqarsinnaavoq.

Nr. 2-mut

”Akinik nalimmassaanermut nalunaarsuut” ”procenti aaqqiissutissaq”-mut allanngortinneqarpoq, tassami taanna utoqqalinersiaqartitsinermi akigititanik aaqqiisarnermi sulisaasiummat.

§ 2-mut

Nr. 3-mut

”Akinik nalimmassaanermut nalunaarsuut” ”procenti aaqqiissutissaq”-mut allanngortinneqarpoq, tassami taanna utoqqalinersiaqartitsinermi akigititanik aaqqiisarnermi sulisaasiummat.

§ 3-mut

Imm. 1-imut

Inatsisartut inatsisaat manna inatsisartut inatsisaata saqqummiunneqarnerata aqaguani atuutilissaaq, aamma 1. januaari 2021-miit atuutilissalluni.

Imm. 2-mut

Naak utoqqalinersiaqalernissamut ukiorititat qaffanneqaraluartut inuup utoqqalinersiaqalersussat aalajangiiffigineqareersup utoqqalinersiaqarnissamut pisinnaatitaaffini annaassanngikkaa aalajangersakkami aalajangerneqarpoq.

Inatsisissatut siunnersuut inatsimmut atuuttumut sanilliullugu	
<i>Oqaasertaliussat atuuttut</i>	<i>Inatsisissatut siunnersuut</i>
	<p style="text-align: center;">§ 1</p> <p><i>Utoqqalinersiaqarneq pillugu Inatsisartut inatsisaanni nr. 20, 23. november 2015-imeersumi, Inatsisartut inatsisaatigut nr. 24, 7. december 2015-imeersukkut, Inatsisartut inatsisaatigut nr. 6, 2. juni 2017-imeersukkut aamma Inatsisartut inatsisaatigut nr. 35, 28. november 2019-imeersukkut allanngortinneqartumi tullinnguuttut allanngortinneqarput:</i></p>
<p>§ 1 Utoqqalinersiaqalernissamut ukiorititat 65-iupput, taamaattorli imm. 2-4 takukkit. <i>Imm. 2.</i> 1. januar 2017-imiit utoqqalinersiaqalernermi ukioritinneqartut 66-inut qaffanneqassapput. Taamaattoq kommunalbestyrelsi qinnuteqareernerup kingornatigut aalajangiisinnaavoq utoqqalinersiaqalernermik ukiorititaasut aatsaat 1. januar 2021-mi 66-inik ukioqalernermut qaffanneqassasut inuk minnerpaamik ukiuni 35-ni sulerulunnerup kinguneranik timikkut imaluunniit tarnikkut nungullarsimappat. <i>Imm. 3.</i> 1. januar 2021-miit utoqqalinersiaqalernermi ukioritinneqartut 67-inut qaffanneqassapput. Taamaattoq kommunalbestyrelsi qinnuteqareernerup kingornatigut aalajangiisinnaavoq utoqqalinersiaqalernermik ukiorititaasut aatsaat 1. januar 2025-mi 67-inik ukioqalernermut qaffanneqassasut inuk sivikinnerpaamik ukiuni 35-ni sulerulunnerup kinguneranik timikkut imaluunniit tarnikkut nungullarsimappat. <i>Imm. 4.</i> Utoqqalinersiaqalernermi ukiorititanut imm. 2 aamma 3 malillugit qaffaanissamut kinguartitsineq pillugu Naalakkersuisut malittarisassanik ersarinnerusunik aalajangersaassapput.</p>	<p>1. § 1 imatut allanneqassaaq: ”§ 1. Utoqqalinersiaqalernissamut ukiorititat 67-iupput, taamaattorli imm. 2 takuuk. <i>Imm. 2.</i> Qinnuteqartoqarneratigut inunnut, minnerpaamik ukiuni 35-ini timikkut tarnikkulluunniit oqimaatsumik suliaqarnermikkut nungullarsimasunut utoqqalinersiaqarnissamut ukiorititat 65-iussasut kommunalbestyrelsip aalajangersinnaavaa. <i>Imm. 3.</i> <i>Imm. 2</i> malillugu utoqqalinersiaqartitsinissamut malittarisassat erseqqinnerusut Naalakkersuisut aalajangersarsinnaavaat.”</p>

<p>Imm. 5. Inuit utoqqalinersiaqartinneqareersut utoqqalinersiaqarsinnaatitaanertik annaassanngilaat, imm. 2-3 malillugu utoqqalinersiaqarnermi ukiorititanut piumasaqaatit naammassineqarsinnaajunnaaraluartut.</p>	
<p>§ 11, imm. 1 §§ 9-10-mi aningaasat annertussusaat taaneqartut Naatsorsueqqissaartarfiup akinik iluarsiinermut naleqqersuut naatsorsugaa tunnngavigalugu iluarsineqartassapput. Siusinaartumik pensionisiat qaammatini aqqaneq-marlunni kingullerni annertussusissaat akit il.il. 1. julimi naatsorsorneqarsimanerat toqqammavigalugit annertussusilerneqartassapput. Ukiumut ataasiarluni 1. januar aallarnerfigalugu atuuttussatut iluarsiisoqartassaaq.</p>	<p>2. § 11, imm. 1 imatut allanneqassaaq: " § 11. Procenti aaqqiissutissaq Naatsorsueqqissaartarfiup naatsorsugaa tunnngavigalugu §§ 9-10-mi taaneqartut aningaasat annertussusaat aaqqinneqassapput. Toqqammaviumik aningaasartat aamma utoqqalinersianut tapit qaammatini aqqaneq-marlunni kingullerni procentimut aaqqiissutissamut allannguutissatut naatsorsorneqartoq 1. julimeersoq tunnngavigalugu aaqqiivigineqassapput. Ukiumut ataasiarluni 1. januar aallarnerfigalugu atuuttussatut aaqqiisoqartassaaq.</p>
	<p style="text-align: center;">§ 2</p> <p><i>Siusinaartumik pensionisiat pillugit Inatsisartut inatsisaanni nr. 40, 9. december 2015-imeersumi, Inatsisartut inatsisaatigut nr. 19, 28. november 2016-imeersukkut, Inatsisartut inatsisaatigut nr. 40, 23. november 2017-imeersukkut, Inatsisartut inatsisaatigut nr. 6, 27. november 2018- imeersukkut, Inatsisartut inatsisaatigut nr. 28, 28. november 2019-imeersukkut aamma Inatsisartut inatsisaatigut nr. 6, 19. november 2020-meersukkut allanngortinneqartumi tullinnguuttut allanngortinneqarput:</i></p>
<p>§ 18, imm. 1 § 17, imm. 2 naapertorlugu siusinaartumik pensionisiat akinik iluarsinermut naleqqersuut Naatsorsueqqissaartarfimmit naatsorsorneqartoq tunnngavigalugu iluarsineqassapput. Siusinaartumik</p>	<p>3. § 18, imm. 1 imatut allanneqassaaq: " § 18. Procenti aaqqiissutissaq Naatsorsueqqissaartarfiup naatsorsugaa tunnngavigalugu § 17, imm. 2 malillugu siusinaartumik pensionisiat amerlassusissaat aaqqiivigineqartassapput. Siusinaartumik</p>

<p>pensionisiat qaammatini aqqaneq-marlunni kingullerni annertussusissaat akit il.il. 1. julimi naatsorsorneqarsimanerat toqqammavigalugit annertussusilerneqartassapput. Ukiumut ataasiarluni 1. januar aallarnerfigalugu atuuttussatut iluarsisooqartassaaq.</p>	<p>pensionisiat qaammatini aqqaneq-marlunni kingullerni procentimut aaqqiissutissamut allannguutissatut naatsorsorneqartoq 1. julimeersoq tunngavigalugu aaqqiivigineqartassapput. Ukiumut ataasiarluni 1. januar aallarnerfigalugu atuuttussatut aaqqiisooqartassaaq.</p>
	<p style="text-align: center;">§ 3</p> <p>Inatsisartut inatsisaat manna inatsisartut inatsisaata saqqummiunneqarnerata aqaguani atuutilissaaq, aamma 1. januar 2021-miit atuutilissalluni.</p> <p><i>Imm. 2.</i> Naak § 1, nr. 1 malillugu utoqqalinersiaqartinneqarnissamut ukiorititanut piumasagaatinik naammassinnissinnaanngikkaluarlutik, inuit utoqqalinersiaqartinneqarnissamik aalajangiiffigineqareersut utoqqalinersiaqarsinnaatitaanertik annaassanngilaat.</p>

Tusarniaanermi oqaaseqaat uunga: Utoqqalinersiaqarneq pillugu Inatsisartut inatsisaata aamma Siusinaartumik pensionisiat pillugit Inatsisartut inatsisaata allanngortinneqarnerat pillugu Inatsisartut inatsisaat

Siunnersuut tusarniaassutigineqarpoq piffissami 19. januaari 2021-miit 26. januaari 2021 tikillugu. Taassuma saniatigut siunnersuut kikkunnut tamanut ammasunngorlugu tusarniaasarfimmuut www.naalakkersuisut.gl-mut ilineqarnikuuvoq piffissami qulaani taaneqartumi.

Siunnersuut tusarniaassutigalugu ukununnga nassiunneqarnikuuvoq:

Naalakkersuisut Siulittaasuata Naalakkersuisoqarfia, Nunalerinnermut, Imminut Pilersornermut, Nukissiuutinut Avatangiisinullu Naalakkersuisoqarfik, Aningaasaqarnermut Nunamullu Namminermet Naalakkersuisoqarfik, Ineqarnermut, Attaveqatigiinnermut Naligiisitaanermullu Naalakkersuisoqarfik, Nunanut allanut, Inuussutissarsiornermut, Niuernermet Silallu Pissusianut Naalakkersuisoqarfik, Aalisarnermut Piniarnermullu Naalakkersuisoqarfik, Peqqinnissutsimut Naalakkersuisoqarfik, Isumaginninnermut Sulisoqarnermullu Naalakkersuisoqarfik, , Aatsitassanut Naalakkersuisoqarfik, Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik, Isumaginninnermut Aqutsisoqarfik, Avannaata Kommunia, Kommune Qeqertalik, Qeqqata Kommunea, Kommuneqarfik Sermersooq, Kommune Kujalleq, Isumaginninnermi Naammangittaalliuteqartarfik, Siusinaartumik utoqqalinersiaqarnermut naammangittaalliuteqartarfik, Inuit pisinnaatitaaffii pillugit siunnersoqatigiit, Inuit pisinnaatitaaffii pillugit siunnersoqatigiit, Inuit pisinnaatitaaffiini institutti, Meeqqat illersuisuat MIO, Peqatigiffik Kalaallit Meerartaat, MIBB (bedre børneliv), Sorlak, Innarluutillit illersuisuat Tilioq, INOOQAT, Nunatsinni inuit innarluutillit Kattuffiat, ISI, KTK (tusilartut peqatigiiffiat), Autismeqartut nuna tamakkerlugu peqatigiiffiat, kreds Grønland, Utoqqaat peqatigiiffiat (Kattuffik Utoqqaat Nipaat), Angajoqqaatigiit, Kræftimut akiuinaqatigiiffik, KNIPK (innarluutillit peqatigiiffiat), Sugisaq (tarnikkut artorsaateqartunut ilaquataannullu peqatigiiffik), Kalaallit Røde Korsiat, GE (Sulisitsisut), SIK, Kalaallit Illuat Århus, Kalaallit Illuat Odense, Kalaallit Illuat Aalborg, Kalaallit Illuat København.

Ataani taaneqartut tusarniummut akissuteqarput:

Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik, Ineqarnermut, Attaveqatigiinnermut Naligiisitaanermullu Naalakkersuisoqarfik, Nunanut allanut, Inuussutissarsiornermut, Niuernermet Silallu Pissusianut Naalakkersuisoqarfik, Peqqinnissutsimut Naalakkersuisoqarfik, Aalisarnermut Piniarnermullu Naalakkersuisoqarfik, KNIPK, Isumaginninnermut Aqutsisoqarfik, Utoqqaat Illersuisuat aamma Sulisitsisut.

Ataani taaneqartut tusarniummut akissuteqanngillat:

Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik, Ineqarnermut, Attaveqarnermut Naligiisitaanermullu Naalakkersuisoqarfik, Peqqissutsimut Naalakkersuisoqarfik, Sulisitsisut.

Tusarniaanermut akissutit:

Aallaqqaasiut:

Tusarniaanermut akissutit naqqiinernik teknikkimullu tunngasunik imallit oqaaseqaateqarfigineqaratik erngertumik aaqqiissuteqarfigineqarput. Tusarniaanermut akissutit oqaaseqaatinik imarisaanut tunngasut issuarlugit allanneqarput, naalakkersuisoqarfiup oqaaseqaatai uingasunik allallugit.

1. Isumaginninnermut Aqutsisoqarfik

Tusarniummut akissut pineqartumi, Inatsisartut inatsisaat utoqqalinersiat pillugit aamma siusinaartumik utoqqalinersiat pillugit.”

Isumaginninnermut aqutsisoqarfiata allattoqarfiata ilassutissai ukuupput.

§ 1, nr. 1: Ataqatigiinngittoqarpassippoq siunnersuutip § 1, imm. 1 aamma imm. 2-p ilusilerneqarnerani, taakkunungalu ilassutinut. Ilassutit malillugit inatsit pineqartoq atuuppoq inunnut ”piffissami qinnuteqarfimmi” 65-nik ukioqalersimasunut, kisianni 67-nik ukioqalersimangitsunut. Taamatut oqaaseqaasiornermi naatsorsuutigineqassaaq aatsaat utoqqalinersiaqalernissamut qinnuteqartoqarsinnaasoq 65-nik ukioqalereersimagaanni, tamannalu § 1, imm.2-mi ersersinneqanngilaq. Taassuma saniatigut tulluussorinanngilaq qinnuteqartup 65-ileereersimanissaanik piunasaqarnissaq, suliap suliarinerata sivisusinnaanissaa naatsorsuutigineqarsinnaammat.

Akissut: Ikkunneqartoq.

Ilassutigineqartut tulluussarneqarput, 65-nik ukioqalersinnani qinnuteqartoqarsinnaanngorlugu. Naalakkersuisoqarfiup siunnersuutigivaa siusinnerpaamik qinnuteqartoqarsinnaassasoq 65-liinissamut qaammatinik pingasunik sioqqutsilluni.

“Saniatigut ilassutigineqassaaq isumaginninnerup tungaatigut pisinnaatitaaffinnik misissuisinnaanissamut pingaaruteqartoq, inunnut isumaginninnermut inatsit pissarsiariuminartuunissaa atuaruminartuunissaalu. Taamaammallu pinaveersaagassasoq inatsisip ilassutaannakkut allannngortittarnissaa, Aningaasanut inatsit aqqutigalugu, taassumalu saniatigut pinaveersaarneqassasoq inatsisinik kingumoortumik atuutsilertannginnissaq.”

Akissut: Naalakkersuisoqarfiup isumaqataaffigaa inunnut isumaginninnermut inatsisip ilassutaannakkut allannngortittannginnissaa, Aningaasanut inatsit aqqutigalugu. Taamaakkaluartoq politikikkut kissaatigineqarnikuuvoq siunnersuutip ukiumiik nutaamiik

atuleriissasoq, taamaammallu pisariaqarsimavoq ilassutitigut aaqqiissuteqarnissaa, Aningaasanut inatsit aqquutigalugu.

Siunnersuutip siunertarivaa aaqqiissutip ilassutaannaajunnaarluni Inatsisartut inatsisinnngortillugut nuunneqarnissaa, taamaasillunilu innuttaasunut ingerlatsisoqarfinnullu ajornanninnerulissalluni inatsisinik atuuttunik ujaasisinnaanissaq. Taamaasilluni kingumoortumik atuutilertussanngorlugu inissiisoqanngilaq.

2. Utoqqaat illersuisuat

“Qujanaq allakkamut ”Utoqqalinersianik aamma siusinaartumik utoqqalinersiat inatsisaanut allannguutitut tusarniaanermut”

Utoqqaat illersuisuata tusarniaanermut allagaq tiguaa 19. januaari 2021, akissuteqarnissamullu killeqartoq 26. januaari 2021.

Utoqqarnut illersuisup isumaqatigaa allannguutissatut siunnersuut Aningaasanut inatsisissanoortoq ukioq 2021-mut, tassungalu ilassutissaqarnani.

Kisiannili ilassutissaqarpunga oqaaseqaatinut Ilassutissat nalinginnaasut, 2 immikkoortortanut pingaanernut siunnersuummi.

Utoqqalinersiaqalernerup aalajangerpaa naafferartumik nalilersuisarnissaq ukiut piumasaqaataasut pillugit, 67-nik ukioqalernermi unittussamik januaarip aallaqqaataat 2021-miik atuuttumik. Taanna imatut paasineqarsinnaavoq ukiut piumasaqaataasut 67-inut killeqartut qaffaqqinneqarsinnaanatillu.

Akissut: Eqqortuuvoq, ukiut piumasaqaataasut januaarip aallaqqaataat 2021-miit 67-iummata, taannalu malillugu ukiut 67-inuinnaq killuttut qaffaqqinneqarsinnaanatillu. Taamaakkaluartoq tamanna killilersuisuunngilaq kingusinnerusukut Naalakkersuisut inatsimmik atuutsitsilersinnaanerannut ukiunik piumasaqaataasunik allanngortitsisumik, allanilluunniit tunngasunik.

Taavalu oqaatsimut *sulerulussimanerup kingunerisaanik timikkut tarnikkullu nungullarsimaneq*, oqaaseq taanna erseqqissaqquneqarpoq, tunngavilersuutigineqartut qinnuteqaatit nalilersorneqarnerini assigiinneruniassammata.

Akissut: Ilassutigineqartoq tusarneqarpoq. Nungullarsimaneq pillugu nassuiaat sukumiinerusoq ilitsersuutip allanneqarnerani ilanngunneqassaaq.

3. KNIPK

Utoqqalinersiat, siusinaartumillu utoqqalinersiat pillugit allanngortinneqarnissaanut tusarniaaneq.

Kalaallit Nunaanni innarluutillit peqatigiiffiat, KNIPK imatut utoqqalinersianut siusinaartumillu utoqqalinersianut allannguisoqarnissaanut akissutissaqarput.

KNIPK-p allannguutissatut inuit 65-leereersimasut ukiut 35-t sulerulunnerup kingunerisaanik timikkut tarnikkulluunniit nungullarsimasut utoqqalinersianik tunineqarsinnaalernissaannut siunnersuut tapersorsorpa.

Siusinnerusukkut allannguutissatut siunnersuummi KNIPK taakkartoqqinnikuuaa, Inatsisartunut eqqarsaatigeqqullugu, utoqqalinersiat siusinaartumillu utoqqalinersiat tunniunneqartartut annertussusaata aalajangerneqartarneranut apeqqutaatinneqassasoq inooqataasup/ aappaasup isertitai malillugit.

Tassani soorunami tunngavigineqarpoq, inuk kinaluunniit innarluuteqartoq (siusinaarluni utoqqalinersialik) immaqaluunniit utoqqalinersiutilik nammineq isertitaqanngitsoq, allatulli tamakkiisumik tunineqartariaqaraluarnera.

Inuttut pisinnaatitaaffiit eqqarsaatigissagaanni FN-illu isumaqatigiissutai, akuersaarneqarsinnaanngilaq maannakkutut tunniussisoqartarnera. Amerlanerpaat siusinaarlutik utoqqalinersiallit, innarluuteqartuusullu, ilinniagaqarsimasuusarput, kisiannili utoqqalinersiarisartagaat millisinneqassappata ilaqutaasunut kingunerlorujussuarsinnaavoq, ingammik amerlasuunik pilersugassaqpata. Ilaqutariimmi napparsimasoqalerneranik akuersiniaatigalutik aningaasaqarnikkut eqqornerlunneqarujussuortarput.

Akissut: Ilanngunneqanngitsoq

Siunnersuuteqarnermi siunertarineqanngilaq naleqqussaanerup utoqqalinersianik aamma siusinaartumik utoqqalinersianik tunniunneqarsimasunik allanngortitsisoqarnissaa.

Siunnersuutigineqartoq inatsimmi atulertitsinissami ilanngunneqassaaq.